








Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 f. 179v










Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 f. 179






Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 L 179











116

# ORATIO

501 C70

kw 445  
L179

*De Causis*

Corrupti studii humanitatis,

Habita

à

I A C O B O

à

Vlaerdingerwout,

In

Examine Scholæ Delphensis ipsis nonis Sextilibus

A. C. CIO CC LXXII.



DELPHIS,

Exscripsit *Cornelius ab Heusden*, A.C. M.DC. LXXII.



ORATIO

De Corpore

Corporis in seipso immutabilis

Albino

A

IACOB

A

Vindicta

A

Examine Scholae Delphicae ipse nona Sextilibus

A.C. MDCC. LXXII.



DELPHI

Ex libris Fundationis A.C. MDCC. LXXII.



## O R A T I O

*De Causis*

## Corrupti studii humanitatis.

*Amplissimi. IV. Viri. Litterarum.strarum. Auctores.  
 & Custodes. Principes. Civitatis. Consules. Iudices. Se-  
 natores. Reverendi. concionum. moderatores. præstantissi-  
 mi. Doctores. & Magistri. Præceptores. mei. semper. Co-  
 lendi. Vosque. acceptissimi. Commilitones.*

**V**oluptatem quod boni  
 esse summam senserit quondam Epi-  
 curus, per omnia belluæ magis, quam  
 homini fuisse similis à vulgo censetur.

Injuriâ mehercules. Non corporis ille, quæ ex cibo,  
 potu, & Venere hauritur; verum eam, quæ indivi-  
 dua virtutis comes, mentem recti consciam titillat,  
 intelligi delectationem volebat, philosophus, si quis-  
 quam, temperantissimus. Sæpe enim numero  
 se vel cum Jove de felicitate certaturum jactabat,  
 dummodo panem & aquam haberet. Inter volup-  
 tates autem, quibus tutò & honestè indulgere possis,  
 mihi primas poscere illa semper fuit visa, quâ vita

A 2

lite-



literatorum immane quantum abundat. Quid enim? Non homo hominum, qui vivunt, beatissimus, qui, dum alii turbulentissimis negotiorum undis sursum ac deorsum jactantur, otiosus interim ac vacuus cum suis camœnis obambulat, & cogitationibus totum illud, in quo aves volitant, sidera moventur, quod homines arant, ædificant, navigant, perlustrans, his veluti epulis cœlestem animum pascit? Non profecto nectar ullum aut ambrosia ad has delicias meretur comparari. Quo magis stupesco, & mirari satis non possum, quæ fiat, ut nos antiquos illos scriptores tam immenso sequamur intervallo, ut qui nunc doctrinæ teneant arcem, pauculis quibusdam exceptis, vix idonei videantur, qui cum priscorum mulierculis, aut pueris elementariis in palæstrâ literariâ componantur. Quæ causa sit, quamobrem pueri nostri in scholis ludant, juvenes in foro rideantur. Alius mihi sidera, & innoxium cœlum vocat in crimen, alius Christianam religionem pœne ream agit, alius mundi nescio quam senectam causatur. Iniquissimè, quantum ego sentio, omnes. Quale enim est, obsecro culpam hominum in res ipsas conferre? Et quod nostro vitio commissum est, quovis relegare potius, quam culpam agnoscere? Quod si studio nobis est malorum causam, quæ negari non possunt, à nobis depellere, quin quicquid



quid in vita mortalium accidit mali in Aten Homericam rejicimus? Ego, missis ambagibus, horrendum hoc proluvium, quod adeo foedum in modum purissimas olim veterum literas confudit, ex parentum indulgentiâ, puerorum desidiâ, & præceptorum quorundam tum adulatione, tum imperitiâ oriri pro virili vobis, Auditores Humanissimi, demonstrare annitar. Interim quam possum diligentissime rogo, ut æquis animis, hanc nostram qualemunque orationem, quæ profecto ex addictissimo vobis animo provenit, accipiat. Parum refert benè natum esse, nisi ad naturam honesta accedat educatio. Non functus satis officio parentis, qui genuit modo, nec rectè instituit, quod genuit. Ut nunc est, accuratè cibum, quo parvulorum corpus nutriatur, prægustant nutrices; quid in animum ac pectus illorum, infundatur, non attendit proh dolor! pars maxima parentum. Ita rudis illa & innoxia ætas, bonis disciplinis a naturâ data, antequam vitia intelligit, iis inficitur, quæ deinceps magno nostro malo, cum dedisci non possint, omnem per ætatem sunt tenenda. Candida lana semel atris venenis tinctâ, omnia ut facias, nunquam referet pristinum colorem. Diu, imo semper, illum odorem testa, quo recens fuit imbuta, servabit. Ex corrupto semine frustra exspectes lætam segetem.

A 3

Si quis



Si quis cogatur docere camelum saltare aut asinum  
 fidibus canere, nonnè illum, qui frustra maximum  
 sumat laborem, egregiè dicas miserum? Multo id ta-  
 men tolerabilius, quam delicatulos istos, qui in pri-  
 mis illis annis omnia suo agere jure, ridere parentum  
 castigationes, salutaria monita contemnere domi di-  
 dicerunt, docere jugum disciplinæ pati. Nam ut in  
 asino aut camelo instituendo nihil promoveas, ta-  
 men nullâ tibi injuriâ arumnabilis ista molestia cu-  
 mulatur. At hi belli pueri, cum strenuè suos præce-  
 ptos exercuerunt, quam sunt insuper in illos con-  
 tumeliosi! Malè opinari de magistro res adeo est  
 pervulgata, ut ludus & jocus habeatur. Invenias,  
 qui palam miserum posticâ sannâ deridere, aut fa-  
 cere illi convicium ausit. Hos mores unde habeat,  
 nolite quærere. Domo secum, ut dixi, attulit, nihilo  
 ante reverentius tractare parentes solitus. Pessima  
 hæc consuetudo, adeo paulatim in pueri naturam  
 vertit, ut emendari nullâ ratione, omnem quamvis  
 lapidem moveas, jam queat. Rogo vos, quid est, si  
 non hæc miseria, perpetuis curis & labore in docen-  
 do consumi & enecari? Deinde pro tuis meritis eti-  
 am ludos, deliciasq̃, & quidem puero, fieri? Si que-  
 ratur apud parentes de hâc intolerabili nebulonis  
 insolentiâ, væ illius ætati! affirmato vultu omnia ne-  
 gabit, & ultro de infandis facinoribus, quorum ne in  
 men-



mentem quidem unquam homini venerat, præceptorem accusabit. Perorata ubi causa est, ecce, a domestico iudice absolutus, innocens, si Diis placet, pulsio ingenti fastu triumphat suum magistrum, & in posterum, quasi insigni affectus injuriâ, id laborat unum, id studet, quo ille, cui animam debet, uratur. Ita leve amicum, æs alienum grave hostem facere solet. Taceat Arcadicum illud pecus, ærumnas suas apud Jovem in Æsopi apologis queritans: Querela præceptorum de suis miseriis, si res ad calculos vocetur, longè est justior. Correctionis initium est cognoscere culpam: quomodo revocabis ad bonam mentem, qui vitia sua non agnoscit? Hos tamen tam molles, & indulgentes, hos simiolos, qui arcto nimis complexu fatum suum enecant, ita properare videas ad vota, pia quidem, sed improvida, ut etiam spes suas donent ambitioni, hoc est, ad lapsum impellant, dum festinare cogunt, & eloquentiam, ad quam omnigena requiritur doctrina, à pueris efflagitent ad huc nascentibus. Veterum Paganorum umbris, o Diis, Elysiæ auras, & immortalia gaudia amani illius campi, qui severâ lege proficere suos pueros, & sancti parentis loco coli voluerunt præceptorem. Audite veram, sed multis non credundam vocem. Fœnum Græcum, ut observant rei herbariæ studiosi, quo tractatur pejus, eo provenit melius:

JU

A 4

ita



ita liberi vestri, quanto habueritis eos indulgentius, tanto minus valebunt, neglecti vero & vexati viri evadent. Adde jam huc, adde hanc mage majorem miseriam, quod quas nos ad cœlum ferimus literas in scholâ, eas domi a parentibus, quorum potior est apud pueros auctoritas, audiunt, quod parum addant rationibus, contemni. Quamobrem hoc à brutissimis illis hominibus, à marmoreis illis statuis fiat, quæritis? Nullâ aliâ de causâ, quam quod omnem humanitatem ignorent. O contemtores, servum pecus, quos vel ipsi derideant boves! At non mirum facitis, quod contemnitis, mirum facturi, si magni faceretis. Verè illud, ut cœtera, princeps ille Peripateticorum: Scientiis nisi inscium neminem esse inimicum. Non gallus miratur iaspidem, non fues delectant rosæ, non pictura simiam, non juvat lippum lux, non placet Midæ cantus Apollinis. Cur inepti auriculas vestras asininas ultro proditis, vel Midâ patre stultiores, qui celare studuit? Cur non potius quorundam calliditatem imitamini, qui laudant, ut scire videantur? Cur saltem non tacetis, ut Philosophi putemini? Scilicet quod ipsi per ignaviam desperatis, aliis invidere pulchrum arbitramini. Ringite, latrate, quantum vobis ilia valent, non tamen efficietis, quin umbræ semper istos fermunculos vestros & rumusculos similes ducamus.

Ut



Ut enim crescente umbrâ, vel decresciente, corpus  
tamen ipsum, cuius illa est umbra, neq; crescit quic-  
quam, neque decrescit : Ita nec meliores nos reddi-  
mur, dum a vobis laudamur, nec peiores, dum vitu-  
peramur. Quo, inquiunt literæ ? Amor ingenij ne-  
minem unquam divitem fecit. Quo, inquam ego,  
virtus ? Ad nos ipsos, & hæc interna; ipsa sui merces  
est : Non etiam ad externa ? etiam, sed cum voluit  
potentior illa Diva, quæ cæcâ sæpe, aut nullâ men-  
te, quodcumque & quoscunque libitum est, eligit  
atque extollit. Malè res humanas novit, qui merita  
hominum appendit magis, quam fortunam. Inte-  
rim firmiter vobis persuadete, gloriam non alio,  
quam hoc vehi pennato curru : virtutem non aliis,  
quam his literarum alis evolare in immortalitatem.  
Sed vilior algâ vobis virtus, ut audio, nisi res adsit.  
Quin docetis ergo plane Merculiater vestros pue-  
ros, ut quidvis divinis studiis amplecti malint, Pe-  
tronianam hanc cantilenam ?

*Qui pelago credit magno se sænore tollit ;*

*Qui pugnâ & castra petit præcingitur auro ;*

*Vilis adulator picto jacet ebrius ostro ;*

*Et qui sollicitat nuptas ad præmia peccat :*

*Sola pruinosis horret sacundia pannis,*

*Atque inopi linguâ desertas invocat artes.*

Ite jam, cives mei, miramini, cur juvenus hæc lucri  
Deum potius sectetur, quam Ciceronem, cur ad Ia-

A 5

num



num medium frequentior, quam in Gymnasiis conspicitur; cur liberalibus omnibus disciplinis grandem auri massam ducat pulchriorem. Hanc esse videt, quâ pater omnis, & patruus, quâ pia matercula stupeant; hanc solam, cur adeo, ut bibere cuminum videantur, palleant; hanc, cur tot noctes agant insomnes. Suas sibi, Commilitones, habeant divitias divites, sua sibi regna reges; nobis ante omnia vera virtus, & eruditio placeant. Hæc immortalia animi dona rebus omnibus antistant. Ut sol minora obscurat lumina, ita reliqua ad virtutis & doctrinæ comoda nihil habent momenti. Penes quem hæc sunt, ne quidem cum perit, perire potest. De virtute quaeritis? Ejus præsidio nemo non cum Ulyssæ specus Cyclopi introeat, sed egrediatur, solis boves videat, sed abstineat; ad inferos descendat, sed redeat; Scyllam præternaviget, nec abripiatur; Circes poculum bibat, nec mutetur; ad Lotophagos adeat, nec maneat; Sirenes audiat, nec accedat. De eruditione? quod in sensibus est visus, in animâ mens, in virtutibus justitia, id in rebus humanis eruditio. At nulla, ingeminant isti coccyges, nulla proposita est merces eruditioni. Ego vero ne desidero quidem mercedem, quoties id ipsum, quod agitur, sui est merces. Ergo, si comœdia in theatro agetur, aut tragoedia; si gladiatores in foro committentur, omnis statim eo popu-

lus



lus confluemus spectatum, nullâ illecti mercede: Naturam vero ipsam rerum spectare gratis non poterimus? Gratis complures esse malos & pravos videas; nos gratis esse boni & eruditi non sustinebimus? O falsos nos Christianos, si istis nos moribus velimus moratos! Etsi instar illud Dei, quo amisso, ex divitiis pauperes, ex felicibus facti sumus miseri, quâ in re? nonne in justitiâ & sapientiâ constitit? Id si renovare, quantum in nobis est, conemur, quis ampliora ab ullo unquam praebeant tulerit athleta, quam nos à Deo nostro praeemia feremus? Desinant ergo dicere isti artium osores, sapientiâ nos studiis gratis operari. Atqui non doctis, inquit adversarius, sed innocentibus promissa est immortalitas. Num idcirco damnabor, si Divi Pauli scripta parum sublimiter intelligam? Quid si Hieronymianam dictionem non capiam? Quid si Augustini & Ambrosii scripta ne legerim quidem? Quid si ne Evangelium quidem intelligam? Stolidè: imo quid si nec te ipsum intelligas? Quid si caballus sis, non homo? Confide, etiam pecora cælum obtinebunt. Hominum profecto genus non modo stolidissimum, verum etiam impium. Atque utinam Christum benè scirent, qui se gloriantur nihil scire literarum. At saepe fit, ut qui in literis simplices haberi volunt, in rebus mundanis sint astutissimi nebulones: Sed cum his nunc pugna mihi non est. Ad propositum revertamur.



tamur. Præceptores illi, quibus doctrina (ut de virtute taceam) qua nihil esse majus volentes nolentes fateri jam debent, carissima illa pignora imbuenda committuntur; illi animorum parentes, qui affectus puerorum mitigant, frangunt indomitos impetus, molliunt, & ingenium non sinunt esse ferox; quorum operâ mentis caliginem, quæ nascentium individuum est comes, discutiant, & ad primigeniam illam sapientiæ lucem deducantur; illi, inquam, præceptores, quo plerumque loco habentur? Mancipiorum mehercule. Pluris hodie Gnatho est aliquis, quam Plato, nequitia, quam artium, gulæ, quam virtutis magister; qui canem bellum adducat, quam qui librum porrigat eruditum. Queritur Satyrus, quod doctos tantum divites, ut pueri Junonis avem, admirentur. At hodie ridentur, qui elegantium se literarum ferunt amantes. Novisse Græcè nimis est pædagogicum: Pædagogicum etiam eo more loqui, quo locutus est Plautus, aut alius aliquis veterum. Criticam si quis velit attingere, hoc est, censoriam illam doctrinam, quæ omnis antiquitatis accuratam desiderat cognitionem, caput audiet vix sanabile tribus Anticyris. Scilicet omnes auctores tam Græcos, quam Latinos veteres habere cognitos: emendare in illis loca, quæ ab exscriptoribus, ut fieri solet, corrupta sunt: Codices editos cum membranceis,



naceis, ac manuscriptis conferre, quod hiulcum ibi reperitur, sæpe membranarum ope, sæpe ab ingenio supplere; quæ mendosa passim occurrunt, sedulo emendare, quæ transposita restituere, vera & genuina firmare, falsa, & à glossariis inserta, notare, rejicere; denique censuræ munus in re literariâ exercere, de mentia est his dementibus. Quid facias talibus? furore Andabatas, clamore Stentorem Homericum, multitudine vel Xerxis copias superant. Contemnas illorum contemptum: solida eruditio se ipsâ contenta est; suo se pretio, non aliorum opinione metitur. Sinas illos pari stoliditate, & alienam contemnere doctrinam, & suam admirari rusticitatem. Quis enim non rideat, si limax equi velocitatem contemnat? Si noctua aquilæ, si talpa capræ rideat oculos? Si psittaci colorem corvus despiciat? Per anserem, si Jupiter essem, exclamaret Socrates, ego omnes istos, qui isto sunt ingenio, in asinos verterem & camelos. Sed mitto adultos, ad pueros redeo, quibus nullas esse censet Plato belluas intractabiliore. Quam verus es optime Atheniensium! Ah! quot Leones, quot Sues, quot Antæi, quot Geryones, quot Diomedes, quot Nessi inter illos inveniuntur! Jure deceptum esse Satyricum affirmes, cum nihil ulterius esse, quod moribus adderet posteritas, dixit; stetisse omne in præcipiti vitium.

Neque



Neque enim dici potest, quanta vitiorum, quæ memorare hic nihil attinet, nuper adeo facta sit accessio. Omnia dixi, cum periisse nobis, quæ tam a maioribus religiosè colebatur, disciplinam domesticam dixi. Illam cum amisimus, periit una omnis nobis in pueris præceptorum, parentum, imo Dei ipsius reverentia. De præceptoribus quid mirum ? Eos perinde, ut literas, acerrimè, velut suos carnifices, oderunt. Enarrat aliquid Magister ? Ecce delicato pupulo somnus obrepit, & securus, dum ille se clamando disrumpit, in utramque dormit aurem. Expergefactus jubetur animum adjicere ad ea, quæ traduntur; verum & *φροντις ἰπποκλείδης*. Foris est animus tanquam in alio terrarum orbe, in ganeis, in aleâ, in pravorum sodalium conventiculis. Tantum abest, ut sepire aliquid memoriâ studeat, ut etiam legem, quæ de conviviis olim apud Græcos jactabatur, odi memorem compotorem, ipse paululum detortam de scholis latam censeat; & non in æs incisam, sed animo insculptam circumferat, odi memorem discipulum. Repetuntur hesternæ dictata ? Noster ille mutus, malus, magnus piscis, tantum reddere potest, quantum ille, qui ne fando quidem ea unquam audivit. Ordiri ergo rursus cogitur miser præceptor pristinam illam cantilenam, nec semel repetere, donec tandem aliquando trunco isti  
unum



unum aut alterum hæreat verbum. Unde, dicat aliquis, in tenellis istis ingeniis tantus literarum contentus, tantum odium? Dicam protinus: in his oris maximam partem ex divitiis, quas crebro, cum ignorare longè satius esset, ipsis cantant materculæ. His strenuè absumendis parare se malunt, quam honestis animum exornare disciplinis. Nam *ῥῆσι νῦν βροτῶσι*, liberale illud nostris moribus, & elegans; hoc sordidum & plebejum. Nitetur contra torrentem, qui hanc puerorum animis extorquere persuasionem laborabit. Præceptorum verbis nullam habent fidem: contemptim de illis loqui ipsos sæpe parentes, & magnificè illis se facinoribus, quibus suos olim magistros exagitaverunt, efferre audiunt. Vidistisne, obsecro, unquam mulieres istas, Viri Delphenses, quas se & sua nescire, alios & aliena speculari narrant poetæ? Negatis? Atqui tamen sunt in Hollandiâ, & præsertim in pagis, frequentes: verum personatæ incedunt, homines credatis? Lamiae sunt. Harum opera in pueris erudiendis, cum sint, qui in modum capiantur, quid mirum adolescentes interdum diebus suis stultis reddi stultissimos? Hæ magno conatu cum magnas nugas, & meram stultitiam discipulos perdocuerunt, & rudia ista ingenia, ceu inanes utres, inflarunt, Dij boni, quo clamore & applausu illarum labores celebrantur!

Cum



Cum dignæ illis una tantum ratione, si culleis infusas, cimicibus & pulicibus differtis, præcipitares in mare vicinum, gratiæ referrentur. Non enim flosculum illum tantum ævi, qui tam cito nobis exarescit, sine fruge decerpi sinunt, sed ita pestiferis suis moribus juvenum penitus animos venenant, ut nulla in posterum salutaria admittant consilia. Gybsum etiam si jam induruit, tamen tundi rursus & in farinam potest resolvi: simulatq; semel ætate vitiisque adolescentis induruit ingenium, nullâ unquam arte poterit refingi. Fungi præ his lamiis & cucurbitæ, ipsorum parentum judicio, qui recta monent, & dolos illarum, atq; astutias detegere aggrediuntur. Scilicet veri mordacitatem non ferunt molles istæ auriculæ, jam adulatoriis nimium harum pestium blandimentis inescatæ.

Vos, optimi Adolescentes, qui laudabili ardore ad bonas literas properatis, ite vos, quo vestra vos virtus vocat: ite pede fausto. Ad humanas disciplinas plenius velis rapimini, sed facite caute navigetis: scopulos habet istud mare: aurum & smaragdos habet istud nemus: sed, per Deum immortalem, cavete vobis à veneni radicibus. Discetis egregias artes, sed ita demum utiles, si parem adjunxeritis probitatem, sine eâ aut parum ex usu vobis futuras, aut etiam pestilentes. Cavete ne sic illis studeatis, ut recti vobis cura recedat. Laborate non minus meliores esse, quam doctiores. Bona est scientia, charitas melior: utramq; alteri si comitem adjunxeritis, rem absolutam conficietis.



